

12199 *ORDE APA/1820/2007, do 13 de xuño, pola que se modifica o Regulamento de inscrición de variedades de especies hortícolas.* («BOE» 148, do 21-6-2007.)

O Regulamento de inscrición de variedades de especies hortícolas, aprobado pola Orde do 23 de maio de 1986, establece os caracteres que hai que observar nos ensaios de identificación, e indica tamén as condicións específicas e a metodoloxía para a realización destes ensaios sinalando, pola súa vez, os ensaios precisos para a determinación do valor agronómico ou de utilización, nas especies en que é preceptiva esta avaliación para a inscrición no Rexistro de variedades comerciais das variedades das ditas especies.

Este regulamento incorpora a Directiva 2003/91/CE da Comisión, do 6 de outubro de 2003, pola que se establecen disposicións de aplicación para os fins do artigo 7 da Directiva 2002/55/CE do Consello, con respecto aos caracteres que os exames deben analizar como mínimo e as condicións mínimas para examinar determinadas variedades de especies de plantas hortícolas.

A anterior directiva foi modificada en diferentes ocasións, a última, pola Directiva 2006/127/CE da Comisión, do 7 de decembro de 2006, que modifica a Directiva 2003/91/CE da Comisión, do 6 de outubro de 2003, pola que se establecen disposicións de aplicación para os fins do artigo 7 da Directiva 2002/55/CE do Consello, con respecto aos caracteres que os exames deben analizar como mínimo e ás condicións mínimas para examinar determinadas variedades de especies de plantas hortícolas, substituíndo os anexos I e II.

A Orde APA/530/2004, do 13 de febreiro, pola que se modifican os regulamentos de inscrición de variedades no Rexistro de variedades comerciais, correspondentes a especies hortícolas, cereais, millo, oleaxinosas e téxtiles, pataca, forraxeiras, pratenses, cespitosas e leguminosas de gran e remolacha, que incorporaba diferentes directivas da Unión Europea, estableceu uns novos anexos 1 e 2 da Orde do 23 de maio de 1986, sen ter en conta que xa existían nela os anexos A, B, C e D, e sen reflectir no texto a referencia aos novos anexos, estes anexos son os que agora se substitúen polos novos E e F, que se corresponden cos novos anexos I e II da directiva que se incorpora, modificando pola súa vez o punto dez, para que figuren referenciados no texto.

En consecuencia, esta orde incorpora a citada directiva, modificando o punto dez e creando os anexos E e F da Orde do 23 de maio de 1986.

Na elaboración desta orde foron consultadas as comunidades autónomas e os sectores afectados.

Na súa virtude, dispoño:

Artigo único. *Modificación da Orde do 23 de maio de 1986 pola que se aproba o Regulamento de inscrición de variedades de especies hortícolas.*

A Orde do 23 de maio de 1986 pola que se aproba o Regulamento de inscrición de variedades de especies hortícolas modifícase da forma seguinte:

Un. Substitúese o punto dez polo seguinte:

«Dez. No que respecta á distinción, estabilidade e homoxeneidade para as especies recollidas no anexo E, a realización dos exames oficiais para a admisión de variedades cumprirá as condicións establecidas nos «Protocolos para os exames de distinción, homoxeneidade e estabilidade», ditados polo Consello de Administración da Oficina Comunitaria de Variedades Vexetais (OCVV) que se citan no dito anexo.

No que respecta á distinción, estabilidade e homoxeneidade, as variedades das especies recollidas no anexo F cumprirán as directrices de exame, da Unión Internacional para a Protección das Obtencións Vexetais (UPOV) que se citan no dito anexo.

Polo menos observaranse todos os caracteres a que fai referencia o parágrafo primeiro e todos os caracteres sinalados cun asterisco das directrices de exame a que fai referencia o parágrafo segundo, sempre e cando a expresión dalgún deles non impida a observación doutros, ou as condicións ambientais en que se efectúe o ensaio, non impidan a expresión dalgúns deles.

Sen prexuízo do previsto no parágrafo anterior, os caracteres que hai que observar durante a realización dos ensaios de identificación serán os que determine a Oficina Española de Variedades Vexetais, oída a Comisión Nacional de Estimación de Variedades.»

Dous. Substitúense os anexos 1 e 2 polos que como anexos E e F se establecen como anexo desta orde.

Disposición transitoria única. *Variedades que se encontran en trámite de admisión.*

Aquelas variedades que comezasen os exames oficiais, para a súa admisión no catálogo común de plantas hortícolas, con anterioridade ao 1 de xullo de 2007, poderán ser aceptadas se cumpren as disposicións da Orde do 23 de maio de 1986, pola que se aproba o Regulamento de inscrición de variedades de especies hortícolas que estaban vixentes antes desta modificación.

Disposición derradeira única. *Entrada en vigor.*

Esta orde entrará en vigor o día seguinte ao da súa publicación no «Boletín Oficial del Estado».

Madrid, 13 de xuño de 2007.–A ministra de Agricultura, Pesca e Alimentación, Elena Espinosa Mangana.

«ANEXO E

Lista de especies que deben cumprir os protocolos de exame da OCVV

Nome científico	Denominación común	Protocolo da OCVV
Allium cepa L. (grupo Cepa).	Cebola.	TP 46/1 do 14.6.2005
Allium cepa L. (grupo Aggregatum).	Chalota.	TP 46/1 do 14.6.2005
Allium porrum L.	Allo porro.	TP 85/1 do 15.11.2001
Allium sativum L.	Allo.	TP 162/1 do 25.3.2004

Nome científico	Denominación común	Protocolo da OCVV
Asparagus officinalis L.	Espárrago.	TP 130/1 do 27.3.2002
Brassica oleracea L.	Coliflor.	TP 45/1 do 15.11.2001
Brassica oleracea L.	Brócoli.	TP 151/1 do 27.3.2002
Brassica oleracea L.	Col de Bruxelas.	TP 54/2 do 1.12.2005
Brassica oleracea L.	Colirravo.	TP 65/1 do 25.3.2004
Brassica oleracea L.	Col de Milán, repolo e lombarda.	TP 48/2 do 1.12.2005
Capsicum annuum L.	Pemento.	TP 76/1 do 27.3.2002
Cichorium endivia L.	Escarola de folla rizada e escarola de folla lisa.	TP 118/2 do 1.12.2005
Cichorium intybus L.	Chicoria industrial.	TP 172/2 do 1.12.2005
Cichorium intybus L.	Endivia.	TP 173/1 do 25.3.2004
Cucumis melo L.	Melón.	TP 104/1 do 27.3.2002
Cucumis sativus L.	Cogombro e cogombriño.	TP 61/1 do 27.3.2002
Cucurbita pepo L.	Cabaciña.	TP 119/1 do 25.3.2004
Cynara cardunculus L.	Alcachofa e cardo.	TP 184/1 do 25.3.2004
Daucus carota L.	Cenoria de mesa e cenoria forraxeira.	TP 49/2 do 1.12.2005
Foeniculum vulgare Mill.	Fiúncho.	TP 183/1 do 25.3.2004
Lactuca sativa L.	Leituga.	TP 13/2 do 1.12.2005
Lycopersicon esculentum Mill.	Tomate.	TP 44/2 do 15.11.2001
Phaseolus vulgaris L.	Feixón de mata baixa e feixón de enrame.	TP 12/2 do 1.12.2005
Pisum sativum L. (partim).	Chícharo de gran rugoso, chícharo de gran liso redondo e chícharo cometodo.	TP 07/1 do 6.11.2003
Raphanus sativus L.	Ravo e raviño.	TP 64/1 do 27.3.2002
Spinacia oleracea L.	Espinaca.	TP 55/1 do 27.3.2002
Valerianella locusta (L.) Laterr.	Valerianela.	TP 75/1 do 27.3.2002
Vicia faba L. (partim).	Faba.	TP Broadbean/1 do 25.3.2004
Zea mays L. (partim).	Millo doce e millo para flocos.	TP 2/2 do 15.11.2001

O texto destes protocolos pódese consultar no sitio web da OCVV (www.cpvo.europa.eu).

ANEXO F

Lista de especies que deben cumprir as directrices de exame da UPOV

Nome científico	Denominación común	Directriz da UPOV
Allium fistulosum L.	Ceboliña.	TG/161/3 do 1.4.1998
Allium schoenoprasum L.	Ceboliño.	TG/198/1 do 9.4.2003
Apium graveolens L.	Apio.	TG/82/4 do 17.4.2002
Apium graveolens L.	Apionabo.	TG/74/4 corr. do 17.4.2002+ 5.4.2006
Beta vulgaris L.	Acelga.	TG/106/4 do 31.3.2004
Beta vulgaris L.	Remolacha de mesa.	TG/60/6 do 18.10.1996
Brassica oleracea L.	Col forraxeira ou verza.	TG/90/6 do 31.3.2004
Brassica rapa L.	Col da China.	TG/105/4 do 9.4.2003
Brassica rapa L.	Nabo.	TG/37/10 do 4.4.2001
Cichorium intybus L.	Chicoria silvestre ou italiana.	TG/154/3 do 18.10.1996
Citrullus lanatus (Thunb.) Matsum. et Nakai.	Sandía.	TG/142/4 do 31.3.2004
Cucurbita maxima Duchesne.	Cabaza.	TG/155/3 do 18.10.1996
Petroselinum crispum (Mill.) Nyman ex A. W. Hill.	Perexil.	TG/136/5 do 6.4.2005
Phaseolus coccineus L.	Feixón escarlata.	TG/9/5 do 9.4.2003
Raphanus sativus L.	Ravo de inverno ou ravo negro.	TG/63/6 do 24.3.1999
Rheum rhabarbarum L.	Ruibarbo.	TG/62/6 do 24.3.1999
Scorzonera hispanica L.	Escorzoneira.	TG/116/3 do 21.10.1988
Solanum melongena L.	Berenxena.	TG/117/4 do 17.4.2002

O texto destas directrices pódese consultar no sitio web da UPOV (www.upov.int).»